

中國歷代政治大要



## 序

戊辰自春徂秋。余寓武昌馮超凡契弟處。從事整理舊學者。凡七閱月。因擬撰荀子學案及考試權實施芻言二書。甫具綱目。而宿昔知好。多有以中國歷代政治相叩者。遂暫擱前業。爲此書之編輯。僅草創邃古數節。卽應友人爾子文之聘主持省立三中女子部事。自是日無暇晷。又將廢於半途。復念政治設施。非通過國民意識之一關。難期實效。所謂國民意識者。卽過去的制度與政治狀況所生之影響。以歷史之無上權威。無形中支配現代人而成者也。故歷代政治。不惟其優良者堪作師法。卽其窳劣者。亦可爲懲前宓後之殷鑒。現值訓政開始。建設之

事。千頭萬緒。倘不以歷史構成之客觀事實爲條件。效率必將減少。而創巨痛深之人民。更無以自拔。是歷代政治之研究。烏可以已。爰不揣簡陋。先將已成數節。付手民刊印。逐日乘暇陸續編纂。更得陳季莊大弟襄助校閱。始克勉成此帙。計自起稿迄告竣。爲時僅月餘。而因事擱筆者又十九焉。顧吾國以數千年文明之邦。政書汗牛充棟。其得失利弊。決非短時間可以詳考。尤非不學如予者可勝此巨任。斯篇特表歷代政治之重要。冀以博國人之注意耳。民國十七年十月一日。鳳昭識於漢陽舊晴川書院。

# 中國歷代政治大要

彭鳳昭編輯

## 第一編 緒論



### 第一章 地理之關係

中國者天然大一統之國也人種一統言語一統文字一統教義一統風俗一統而其根原莫不由於地勢

文明發生於河流

中國河流皆自西而東故南北殊趨

文明之發生莫要於河流凡河流之南北向者則能連寒溫熱三帶之地而一貫之使種種之氣候種種之物產種種之人情互相調和而利害不至於衝突河流之向東西者反是同一氣候同一物產同一人情故此河流與彼河流之間往往各爲風氣美國之河皆自北而南故東西異尚而常能均調中國之河皆自西而東故南北殊趨而間起衝突於一統之中而精神有不能悉一統者存皆此之由

自周以前以黃河流域爲全國之代表自漢以後以黃河長江兩流域爲全國之代表近百年來以黃河長江粵江三流域爲全國之代表而過去歷史上之大部分實

不外黃長江兩民族競爭之舞台

古代中國政治  
北方視南方常  
占優勢

其在政治北方視南方

指長江流域

常占優勢蓋我黃族之始祖本自帕米爾高原迤邐

東下而長江上流崇巒峻嶺壁立障之故避難就易沿河以趨全國文明自黃河起

點而傳布於西方帝王實力亦起於此積之者厚故其勢亘兩千年而不衰

歷代王霸定鼎其在黃河流者最占多數固由所蘊所受使然亦由對於北狄取保守之勢非據北方而不足以爲拒也而其據於此者爲外界之現象所風動所薰染其規模常宏遠其局勢常壯闊其氣魄常磅礴英鷲爲俊鶻盤雲橫絕朔漠之概至建都於揚子江流域者除明太祖外六率皆創業未就或敗亡之餘苟安旦夕爲其外界之現象所風動所薰染其規模常綺麗其局勢常潛隱其氣魄常文弱有月明畫舫緩歌慢舞之觀考數千年政治都會大率在黃河流域較其發達之大勢東周以前南方未始建國春秋戰國以後而楚吳越始強其力足與北方諸國相埒及於漢末而竊據者率起於北及於唐末而竊據者多起於南此亦兩地勢力平均之一消息然北方宅都時代而南方無他都者垂二千餘年其南方宅都時代而北方無

古時政治中心  
常在黃河流域

他都者惟明太祖建文共三十五年耳是則雖謂政治之中心常在黃河流域可也至同一黃河流域而其勢力自西而趨於東者則亦有故黃族初發輒於崑崙之墟次第東下至黃帝顓頊已寔達黃河下游而爲洪水所苦不得不復折而邑於山陝之高土及夏禹成第一次統一之業文武周公成第二次統一之業秦政成第三次統一之業而皆起自黃河上游積千餘年之精英而黃河上游遂爲全國之北辰仁人君子之所經營梟雄桀黠之所攬奪莫不在於此土取精多用力宏故至唐而猶稱極盛焉

運河開通後燕  
京遂佔政治上  
重要地位

東北方之燕隸即直自古以來不足爲中原之重輕而其後海宇之內斂袂而往朝者七百餘年他地視之反瞠乎其後其轉捩之機皆在於運河中國南北兩大河流各爲風氣不相聯屬自隋煬帝濬運河以連貫之而兩河之下游遂別開交通之路而南北統一之基礎遂以大定此後千餘年間分裂者不過百年耳而其結果能使江河下游日趨繁盛北京南京兩大都握全國之樞要而吸其精華故漢唐中葉而安祿山史思明用范陽盧龍之衆蹂躪中國實惟幽燕勢力之嚆矢至宋而金源宅京於

此用之以伴二帝盜中國之強半蒙古終金臂而奪之遂以滅金滅宋混一寰宇明祖南人安南奠都金陵而燕王棣卒以靖難之師起北方復宅金元之故宅以至於今非地運使然實地勢使然也爾後運河雖淤澗而燕京之勢力不衰者一由積之既久取精用宏與千年前之瀋洛相等一由海道既通易河運以海運而燕齊吳浙閩越一氣相通燕乃建高瓴而注之也

海外交通南京漢口於政治上又形重要

凡一地之或盛或衰必有原因以消息之晚近以來其在陸者長城之險已夷其在海者津沽威海旅順重重門戶亦已盡失鐵路輪船既通而運輸交通之形勢大異疇昔海外之往來恆以上海廣東天津爲樞紐而南京漢口均憑據長江一則有京漢粵漢以利交通一則有浦津滬甯以通脈絡政治之中心有自然移轉之勢他日之燕京將成爲今日之長安洛陽此亦情事之所必然者

我國地勢平坦利於統一又自古環列皆小蠻夷不足爭雄長無競爭故不能進化且處塊然大陸素以農業爲主工商特其附屬人民散處四野莫由團結故一切政權始則爲少數貴族所把持繼則爲君主一人所玩弄專制政體數千年未嘗少變

從前專制政體係受地域之限制

辛亥起義及國  
革命皆應環境  
之要求而起

漢族一開化最  
早秦漢時已彪  
炳於世界

此亦受地域之限制未可咎吾民族之甘居人後海通以來屢被侮於外人中經咸豐庚申之難英法聯軍蹂躪我京師光緒甲申之辱法人掠奪我越南情見勢絀至光緒甲午中日之役庚子拳匪之亂創鉅痛深遂茫然失其所恃而日本更挾歐化之潮流激蕩東亞大陸歐風美雨咄咄逼人於是政治改革之聲囂然徧國中辛亥革命遂以促成自茲以還名爲共和國家實則政權操於軍閥之手各帝國主義咸肆其侵略政策磨利爪牙以吮我精而吸我血軍閥官僚爲圖一己之私利更不惜希承外人意旨剝削民衆於此而欲救危亡躋中國於自由平等之域舍實現三民主義莫由此國民革命所以應環境之要求而起且不兩年而由廣州以統一全國也

## 第二章 民族之關係

我國民族大別爲五曰漢族曰滿族曰蒙古族曰回族曰藏族茲就各族與政治之關係分別言之

(1) 漢族 漢族來自西方越崑崙山沿黃河順流而東斯時中國之土著曰苗族



迭與之戰而勝之隨時進取至黃帝與蚩尤大戰於涿鹿之野戮蚩尤苗族始勢衰漸徙而南而漢族遂奄有黃河流域夏殷之交蕃衍於長江流域秦漢而後並粵江流域而包有之賢聖代作制度文物亦日新而月異而本部十八省之地遂爲莊嚴燦爛之中華故漢族古稱華夏禹時聲威遠被異族以夏爲漢族之代表漢時交通頻繁漢人之稱尤廣被於遐方嗣後遂習以漢人爲對外之稱號今外人稱曰支那或曰震旦皆秦之轉音亦足徵自秦漢之時中華已彪炳於世界

蒙古族——於近  
今政治上無甚  
影響

(2) 蒙古族 蒙古族原據有幹難河流域地接肅慎或謂肅慎之別支與漢族爲同種南宋時漸蔓延大漠南北兵威遠及歐州終入主中原建元祚然明興北遼後勢衰清初歸附終清之世蕃服無異志於近今政治上無何等之影響

回族——於近今  
政治上不佔勢  
力

(3) 回族 回族爲土耳其族在史稱獠狃匈奴回紇其先夏后氏之苗裔曰淳維與漢族亦爲同種因居住北鄙嚴寒之地射獵爲生羸獷而善戰故世世爲邊患影響於政局頗巨漢晉以後雜居內地漸與漢人同化迄今惟新疆尙有不通漢語之回人然於近今政治上不佔勢力

藏族—政治關係尤淡漠

基族—滿漢之辨甚嚴釀成種族革命

(4) 藏族 藏族唐稱吐蕃亦曰圖伯特僻處西南隅較蒙古族回族政治關係尤為淡漠

(5) 滿族 滿族爲通古斯族在史稱東胡或曰通古斯即東胡之轉音或曰滿州即古肅慎國或稱息慎唐虞時已入貢爲黃帝二十五子分封之所滿族與漢族亦爲同種然自愛新覺羅氏入關定鼎滿漢之辨甚嚴雖言語習尚久乃同化於漢族而政治上享種種特權已生漢族不平之感又世世傳授防家賊之法以制漢族遣入旗兵丁駐防各省藉資壓迫而內政不綱外患迭乘又岌岌不可終日故卒以釀成種族革命

各族與政治之關係既如上述茲更就其演進之迹分爲五時期言之

(1) 漢族文化開發時期即自遠古至秦是也此時期中惟漢族已發達開化而他族尙無聞者其時神州萬國並峙紛爭欲謀統一必先集權集權既久外輕內重專制胚胎實孕於是而虞廷之于羽兩階成周之禮樂百度煥乎郁乎萬代宗仰尙文之萌芽亦斯時所培植也

自遠古至秦

自秦至南北朝  
之末

(2) 漢族統一中原及諸族紛亂時期 卽自秦至南北朝之末是也此期之初漢族已統一中原又遠恢其勢力於四方而擴張版圖然其時君主不但注意于武功且更注意於文治因定尊孔崇儒之策以爲鞏固國家之基措乎名則尊孔崇儒而不用其術惟使臣民專肆力於文字之間而獎勵之始而經學訓詁繼則詞章詩賦談空說理浮誕虛憍之習實自此時所造成魏晉而後文字愈華喪亂愈以甚滿蒙回藏諸族迭起交乘漢族失敗始於此五族之混合亦始於此惟滿蒙回藏諸族本無文化一旦入中原輒慕漢族之文化而效之舍其尙武崇質之俗尙文崇虛其根據勢力又本不如漢族之厚故不久仍爲漢族所併而受其同化此則其得失之林也

自隋代至南宋  
之末

(3) 漢族混合諸族而統一及諸族迭起時期 卽自隋代至南宋之末是也此期之初漢族混合諸族而統一又遠拓其勢力於四方而成一絕大之帝國其時君主獨裁之制仍如前代而尙文之弊則加甚焉確定以文字取士之法使士民得以投牒自進於是士子棄其學問志節廉恥而以務文字七名位爲榮君主又以

自元代而明代  
至清室之末

威劫之使不得盡言保身持祿之習乃於以造成政治日壞閭閻日困武夫悍卒乘間竊發滿蒙回藏諸族又環攻於外以相應騷擾至百餘年而未有已宋興削平中原不爲根本之圖反愈重文人以抑武夫之氣於是兵力愈弱財力愈絀諸族起憑陵愈甚漢族積弱不振宋祚終以滅亡此亦政治史上一大變故也

(4) 漢族與諸族先後爲蒙古族征服時期 卽自元代而明代至清室之末是也此期之初漢族與諸族同爲蒙古族所征服及於中期漢族爲其主人翁延至末期漢族與諸族又同爲滿族所征服五族溝通而合爲一家之基礎實確定於此時期然此時期中尙文崇虛之習又仍如前代故自明代中葉以還與西洋尙武崇實之諸文明國相遇遂不免事事失敗武力旣不足以相抗學術工藝又不足以相競卽人民之愛國心與自治力亦無在而不相形見絀以至國勢日頹土地日蹙財政日絀民生日困瓜分之禍懸於眉睫當此時而謀救國之道誠非從根本解決舉歷代相沿之弊習摧陷而廓清之不可

自辛亥以後至  
今日

(5) 五族一體力求實現民族主義時期 卽自辛亥以後至今日是也辛亥革命

定爲五族共和。然政權淪於軍閥，掌握洪憲大變，張勳復辟等約法於弁髦。徐世昌、馮國璋先後盜竊國柄，釀成直皖之戰，湘鄂之戰，直奉之戰，兵禍連年，無以自拔。茫茫禹域，竟成各帝國主義者之次殖民地。軍事上政治上經濟上財政上司法上教育上無一能自由獨立。故民族解放運動爲國民革命之第一重要工作。其目的首在恢復固有道德，振作民族之精神，進而本此精神廢除不平等條約，恢復民族地位，其義至宏，誠國民人人之責也。

再就中國之環境言之，又可分述如下：

第一 自黃帝以迄秦之一統，是爲中國之中國。即中國民族自發達自競爭自團結之時代也。其最主要者在戰勝土著之蠻族而有力者及其功臣子弟分據各要地，由酋長而變爲封建，復次第兼併，力征無已，時卒乃由夏禹塗山之萬國變爲周初孟津之八百諸侯，又變而爲春秋初年之五十餘國，又變而爲戰國時之七雄。卒至於統一此實漢族自經營其內部之事也。

第二 自秦一統後至清代乾隆之末，是爲亞洲之中國。即中國民族與亞洲各

爲中國民族自  
發達自競爭自  
團結之時

爲中國民族與  
亞洲各民族交

涉競爭之時

爲中國民族及  
全亞洲民族與  
西人交涉競爭  
之時亦各弱小  
民族受帝國主  
義壓迫侵略之  
時

民族交涉繁賾競爭最烈之時代也其內部之主要者由豪族之帝政變爲崛起之帝政其外部之主要者則滿蒙回藏諸族次第錯雜與漢族競爭而自形質上觀之漢族常失敗自精神上觀之漢族常制勝及此時代之末年亞洲各種族漸向於合一之勢爲全體一致之運動以對於外部不別之種

第三自乾隆末年以至今日是爲世界之中國即中國民族及全亞洲民族與西人交涉競爭之時代亦即各弱小民族受帝國主義壓迫侵略之時代也其內外之變動皆爲二千年所未有故民族主義之真諦不惟爲中國民族自求解放之良方實即世界各弱小民族唯一無二之出路焉

### 第三章 政治與倫理之結合

我國古代於氏族方面之組織極爲完密且能活用其精神故家與國之聯絡關係甚圓滑形成一種倫理的政治尙書堯典曰「克明俊德以親九族九族既睦平章百姓」此即倫理政治之實現

(一)「姓」與社會組織之關係 姓字從女生說文云「人所生也」初民社會先有

羣后爲各姓之  
長元后爲羣后  
之長

小宗宗大宗九  
宗宗國君

諸侯各率其宗  
以宗天子

母系然後有父系遂古部落皆從母以奠厥居因各以所屬母爲徽別故著姓如姚姒姬姜嬴嬭姁姓皆從女百姓卽羣居部落之義言百者舉大數耳各姓之長皆名曰后其位相等夷故曰羣后後世謂之諸侯羣后中有功德優越者共戴爲元后後世謂之天子

(二)宗法與政治之關係 同族相互之間有所謂宗法者以維繫之禮記喪服小記及大傳所載「別子爲祖繼別爲宗繼禰者爲小宗有百世不遷之宗有五世則遷之宗」如是一國中國君之外更有唯一之百世不遷的大宗有無數五世則遷的小宗小宗之宗人共宗其小宗羣小宗各率其宗人以宗大宗大宗又率羣小宗以宗國君故詩曰「君之宗之」劉言君與宗相待而成治也

宗法不惟行之國內而已諸侯相互間亦行之孟子記滕之父兄百官稱「五宗國魯先君」如是諸侯又各率其宗以宗天子荀子曰「天子……聖王之子也……天下之宗室也」正故周之諸侯稱周曰「宗周」

宗法又不惟行於王侯之支庶而已一般平民亦有之左傳所記晉有翼「九宗

人民以同姓從  
宗合族屬而統  
之於君

大規模之家族  
組織爲政治上  
主要原素

「隱有『懷姓九宗』當時夷種定四又記『楚人執戎蠻子致邑立宗以誘其遺民』又記梗陽人有獄魏戊不能斷以獄上其大宗也」此可見凡民皆各有宗且可以隨時增立而宗之所在即民之所歸也故周官云「以九兩繫邦國之民……五曰宗以族得民」言宗達於上下也

如是國內各部分人民各以「同姓從宗合族屬」大傳而統之於君故曰「君有合族之道」上焉其立法精神何在蓋利用人類通性而善導之故曰「人道親

親也親親故尊祖尊祖故敬宗敬宗故收族」上人莫不親愛其父母因父母而尊父母所自出之祖先因祖先而敬及代表祖先之宗子卒乃以宗子之關係聯絡全族似此大規模的家族組織遂成爲政治上主要原素吾儕若能對於宗法精神根本明了則所謂「天下之本在國國之本在家」孟子所謂欲治其國者先齊其家」大學庶幾可以索解

(二) 婚姻與政治之關係 同族相互間有所謂宗法爲治國平天下之本而異族相互間更有所謂婚姻以聯貫之其效尤宏禮記大傳云「繫之以姓……雖百世



多數異族血統  
之混合即大民  
族所由醇化

而婚姻不通者周道然也』蓋自周以後規定同姓不婚之制質言之則同種族之人不得互婚凡婚姻必求諸異族也此種制度於我民族之發榮有絕大影響蓋多數異族血統之混合即大民族所由醇化也周人自厲行此制於是百姓相互間組成一親戚之綱天子對於諸侯『同姓謂之伯父異姓謂之伯舅』王詩制有之『豈伊異人兄弟甥舅』伐木其大一統政策所以能實現者半由是此制行之三千年至今不變我民族所以能蕃殖而健全者亦食其賜焉

#### 第四章 民本主義之精神

我國自黃帝創立國家以來始則爲貴族專制繼則爲君主專制政權握於少數人之手數千年未嘗少變固已無可諱言然『民爲邦本』『政在養民』『既富方穀』『資富能訓』諸義羣經既所屢言後此諸家政論罔不致謹於是而歷代之明君賢相尤必以此爲施政之鵠其精神之偉大固有不可磨滅者在也

(一)天子之意義與任務天之觀念與家族之觀念互相結合在政治上產生一新名詞焉曰「天子」天子者即天之子詩所謂「昊天其子之」也又洪範謂「天